

Қуръони карим Ҳаж ҳақида



1440 ҲАЖ 2019

ҚУРЪОНИ КАРИМ ҲАЖ ҲАҚИДА



17:00 / 06.08.2019 1523

Аллоҳ таоло:

«Йўлга қодир бўлган одамлар зиммасида Аллоҳ учун Байтни ҳаж қилиш бор. Ким куфр келтирса, Аллоҳ оламлардан беҳожатдир»
(Оли Имрон сураси, 97-оят) деган.

«Иброҳимга Байтнинг жойини белгилаб бериб: «Менга ҳеч нарсани шерик қилма, Байтимни тавоф қилувчилар, (ибодатда) қоим турувчилар ҳамда рукуъ, сажда қилувчилар учун поклагин. Одамларни ҳажга чақир, улар сен томон пиёда ва озиб кетган уловлар устида узоқ-узоқ йўллардан келсинлар. Ва ўзлари учун бўладиган манфаатларга шоҳид бўлсинлар. Маълум кунларда уларга ризқ қилиб берган чорва ҳайвонларини (сўйишда) Аллоҳнинг исмини зикр қилсинлар. Бас, улардан енглар ва бечора, фақирларга ҳам едиринглар. Сўнгра ўзларидағи кирларни кетказсинлар, назрларига вафо қилсинлар ва «Қадимги уй»ни тавоф қилсинлар», деганимизни эсла» (Ҳаж сураси, 26-29-оятлар).

Аллоҳ таоло шундай деган:

«Эй иймон келтирганлар! Эҳромдалик ҳолингизда овни ўлдирманг. Сиздан ким уни қасддан ўлдирса, жазоси сиздан икки одил киши

хукмига мувофиқ чорва ҳайвонларидан у(ов)га тенг келадиганини ҳадий қилиб, Каъбага етказишидир. Ёхуд унинг каффорати мискинларга таом бериш ёки шу баробарида, ўз қилмишининг ёмон оқибатини татиб кўрсин учун рўза тутишидир. Ўтганларини Аллоҳ авф қилди. Ким қайтарса, Аллоҳ ундан интиқом олур. Зотан, Аллоҳ азиз, интиқом эгасидир» (Моида, 95-оят).

«Эсла, вақтики, Байтни одамлар учун «масаба» ва омонлик жойи қилдик ва: «Иброҳимнинг мақомини намозгоҳ тутинг» (дедик). Ҳамда Иброҳим ва Исмоилга: «Байтимни тавоғ қилувчилар, муқим туруувчилар, рукуъ ва сажда қилувчилар учун покланглар», деб амр этдик. Эсла, Иброҳим: «Роббим, буни омонлик юрти қилгин ва аҳлидан Аллоҳга ва қиёмат кунига иймон келтирғанларини мевалар ила ризқлантиргин», деди. (У Зот:) «Ким куфр келтирса, озгина баҳраманд этаман, сўнгра олов азобига мажбур қиласман ва у қандай ҳам ёмон борар жой!» деди. Эсла, вақтики, Иброҳим билан Исмоил Байтнинг пойдеворларини кўтараётуб, (дедилар): «Роббимиз, биздан қабул қил, албатта, Сен Ўзинг эши тувшисан, билувчисан. Роббимиз, иккимизни Ўзингга мусулмон бўлганлардан қил ва зурриётимиздан ҳам Ўзингга мусулмон уммат қил, бизга ибодатларимизни кўрсат, тавбамизни қабул эт. Албатта, Сен Ўзинг тавбани қўплаб қабул қилувчисан, раҳмлисан. Роббимиз, уларнинг ичига ўзларидан уларга оятларингни тиловат қилиб берадиган, уларга Китобни ва ҳикматни ўргатадиган, уларни поклайдиган Расул юбор. Албатта, Сен Ўзинг иззатлисин, ҳикматлисан» (Бақара сураси, 125-129-оятлар).

«Масаба» «одамлар қайта-қайта келиб, тўймайдиган жой» дегани.

«Ҳаж ва умрани Аллоҳ учун тугал адо этинг. Агар ушланиб қолсангиз, мұяссар бўлган ҳадий (вожиб). Ҳадий ўз жойига етмагунча сочингизни олдирманг. Сиздан ким бемор бўлса ёки бошида озор берувчи нарса бўлса, унга рўза тутиш ёки садақа бериш, ёхуд қурбонлик сўйиш ила фидя (вожиб). Агар тинч бўлсангиз, ким умрадан ҳажгача баҳраланган бўлса, унга мұяссар бўлган ҳадий (вожиб). Ким топа олмаса, уч кун ҳажда, етти кун қайтганингизда рўза тутиш (вожиб). Ана ўша тўлиқ ўн кундир. Бу аҳлу оиласи Масжидул-Ҳаромда яшамайдиганлар учундир. Ва Аллоҳга тақво қилинг ҳамда билингки, албатта, Аллоҳ иқоби шиддатлидир. Ҳаж маълум ойлардир. Ким уларда ўзига ҳажни фарз қилса, ҳажда шаҳвоний нарсалар, фисқ ва жанжал йўқдир. Нима яхшилик қилсангиз, Аллоҳ уни билади. (Йўлга) озуқа олинг, энг яхши озуқа тақводир. Менга тақво қилинг, эй ақл эгалари! Роббингиздан фазл исташингизда сизга гуноҳ йўқ. Арафотдан

қайтиб тушганингизда, Машъарул-Ҳаромда Аллоҳни зикр қилинг. Сизни ҳидоятга бошлагани учун У Зотни зикр қилинг. Дарҳақиқат, илгари адашувчилардан эдингиз. Сўнгра одамлар қайтиб тушган жойдан тушинглар ва Аллоҳдан мағфират талаб қилинглар, Аллоҳ мағфиратлидир, раҳмлидир. Ибодатларингизни тугатганингизда Аллоҳни оталарингизни эслагандек, балки ундан ҳам кучлироқ зикр қилинг. Одамлардан баъзилари: «Роббимиз, бизга бу дунёда бергин», дейди ва охиратда унга насиба йўқдир» (*Бақара сураси*, 196-200 оятлар).

«Мўминнинг умр сафари» китобидан